

Leev Tante Finchen,

em letzte Johr han ech dech jeschreewe, dat dinne Schötzeverein wedder ne Scheeßstand hätt. Met vill Tamtam wohd dat emposante Jestell enjeweiht. Sojar de eschte Börjer ons Stadt, dä Oberbörjermeister Joachim Erwin – dä alde Spekelöres – loß et sech nit nehme, bei dem Spektakel dobei zo sin. Dä OB konnt' ene bletzeblanke Hochstand bewondere. Dat wor äwwer nit emmer eso.



Manchmol soh dat Jelände us wie ne Lehrfad för Weldflanze. Trotz janz dolle oin johde Experte (Kleenjärtner jeschlischer Coleur), doht sech dat Onkruut en lang Ziet jejen de Usrottung wehre. Met Hacke, Schöppe on Beile wohden de zärtliche Flänzkes erfolschloss malträteert. Jrat fott jemaht, kom dat Onkruut wedder eruss.

Manche von de Schötze hant öwerleht, Bagger oder Onkruutvertiljongsmiddel enzosetze, wedder angere wollten dat jesamte Jelände entbetoneere on jrön anstrieke. Janz böse Zonge hant jesaht, de Schötze solle et mol mem Scheeßjeweher versöke. Op jede Fall, als ech do et letzte Mol vörbeijejange ben, soh dat alles äwwer janz meneerlich us. Do hätt wahrscheinlich doch eener de rischtije Enjäuung jehatt.

So, jetz wat angeres. D'r Leitsproch von dinne Verein: Glaube-Sitte-Heimat – es von e paar Metjleeder en letzter Ziet usser Kraft jesetzt wohde. Bejefte wie Ehrlecket on Treue hätt wie et ussüht kinne Stelleweet mih. Dat betrifft nur wennije, äwwer die sorje doför, dat dä Verein em Jerede ess, on nit jrad jod! Vörbelder wähdde en Froch jestellt, denn dä Nohwuchs deht sech an de Sproch orienteere „Wie de Alde sunge, so zwitschere et och de Jonge“ on dont och so handele.....Ech hoff' för dech on dinne Schötzeclub, dat et bald wedder bessere on sennvollere Jesprächsstoffe jövt.


Zom jode Schloß, bald steht et Schötzevest wedder vör dr Dör, äwwer zwieschezietlesch is dä Schötzeclub en de Wechseljohr jekohme. Fast d'r janze Vörstand es usjetuscht. Neue eschte Schef, neue zweite Schef – die zwei wieje sovill wie de ehemalije eschte Schef. Hoffentlich es dat nur ne Jewischtsverlust on kinne Jesechtsverlust! Et jövt och ne neue Öberschte on ne neue Major – alles jonge Kähls – mo kicke wie die sech so make. M'r krieje och e neu Pastörke – ech jlöv, dä kütt us Afrika. Dä hant ons de Kölner op d'r Hals jescheckt, äwwer et moß jo nit alles schlescht sin, wat von do kütt!

On noch jet, zom Schötzevest em Mai jövt et och noch zwei niejelnareneue Kompaniee. De Antonius Kompanie (wor schon emol do) – alles fröhere Jongschötze – jonge Wiewer on Jonges. Denne wönsch ech vill Jlöck em Rejement.

Dann jövt et de Hubertus-Jäjer – nit zo vörwechsele met de Hubertus-Schötze. De Jäjer send us de Hubertuskompanie – denne dat öwerhaupt nit jepasst hätt – hervorjejange. Dat es och joht so! Denn de Hubertusschötze on deren Madämkes hant eh kenn reschtije Lost mieh op Schötzedosin.

All' denne Schefs, Öberschte, Majörkes, dem Pastörke on denne neue Kompaniee wönsch ech vell Jlöck on e johd Hänke.

Bes zom Schötzevest, wo m'r ons mol wedder sennt.....



Din Hänschen